



Synfocity = 1033

mail us at : mzsynfo@gmail.com; mizoramsynod@gmail.com - Phone - 2314648

May 14, 2026

❑ **PRESCOM Committee vawi 184-na**

May 8, 2026 (Zirtawpni) chawhma dar 10 khan J.M. Lloyd Hall, Synod Office-ah PRESCOM Committee vawi 184-na an þu.

Þhut khawm hi Rev. John Raldosanga, Synod Moderator-in a kaihruai a, Rev. Dr. K. Lallawmzuala, Executive Secretary a damloh avangin Upa Lalmuanpuia, PRESCOM Coordinator-in report a pe. Report-ah Synod Bookroom hawn hun leh khar hun chungchang te, Synod Press Building sak leh Synod Press kal dan tur chungchang te, Synod Bookroom Software thar tlangzarh a nih thu te, October 21, 2025 aþanga May 7, 2026 chhunga lehkhahu chi hrang hrang 52 tihchhuah a nih thu te, Synod bookroom hnathawh dan hrang hrang te leh 2025-2026 chhunga PRESCOM sum dinhmun te tarlan a ni.

Tun þum þhut khawmah hian thurel tura chhawpchhuah pali a awm a, chung zingah chuan Synod Press kal zel dan tur chungchang te, Pawlrang Synod Bookroom Distribution Centre kang chungchang te a tel a ni.

❑ **Bial Treasurer pual Training**

May 8, 2026 (Zirtawpni) khan Mission Vengthlang Kohhran Golden Jubilee Hall-ah Mizoram Presbyterian Kohhran hnuuia Bial Treasurer pualin Training neih a ni a, Bial hrang hrang aþangin Bial Treasurer 115 an kal.

Training hi hun hnihah þhen a ni a, hun khatna hi Upa F. Lalmangaiha, Finance Manager, Synod Office-in a kaihruai a, Rev. V.L. Luaia Hranleh, Senior Executive Secretary i/c Finance-in hunserh hmangin, Synod Sum vawn chungchanga Bial Treasurer-te mawhphurhna hrang hrangte leh fuihna thu a sawi a ni. Chawhma hunah hian Pu Zaihmingthanga Fanai, Accountant-in Power Point hmangin Synod Sum vawn dan leh a kaihnawih chungchang training a pe a. Chawhnu lamah Upa Kailianmanga, Income Tax-in tunlai thil thar leh MPC PAN hman chungchang a sawi a ni.

Chawhma leh chawhnuah hunah hian sawi hona leh, zawhna leh chhanna hun te hman a ni bawk. Hun tawpah Rev. John Raldosanga, Synod Moderator-in lawmthu a sawi a, tawngþaiin training hi a khar a ni. Tun þum Bial Treasurer pual training hi a þum li-na a ni a, training-ah hian Bial sum vawngtute tana þangkai tur leh hriattur pawimawh hrang hrangte mi thiamten an zirtir þhin a ni.

❑ **Synod Finance Committee**

May 13-14, 2026 chhung hian J.M. Lloyd Hall, Synod Office-ah Synod Finance Committee vawi 158-na an þu.

Þhut khawm hi Rev. John Raldosanga, Synod Moderator-in a kaihruai a, Rev. Dr. K. Lallawmzuala, Finance Officer-in Secretary report leh Finance report a pe. Report-ah hian Synod Office leh Department hrang hrang leh Mission Field-te Audit hna tluang taka zawh a nih thu te, Bial leh Kohhran hrang hrangah Finance Campaign leh Account Training neih a nih thu te, May 8, 2026-ah Bial Treasurer-te pual training neih a nih thu te leh April 2025-March 2026 chhunga sum dinhmun te tarlan a ni.

Tun þumah hian thu ngaihtuah tura chhawpchhuah panga a awm a, chung zingah chuan Reserved Fund dah chungchang te, Synod Sum Vawn Dan 2020 enþhat chungchang a tel a ni.

❑ **College of Nursing, Synod Hospital-ah International Nurses Day hman a ni**

College of Nursing, Synod Hospital, Durtlang chuan May 12, 2026 (Thawhlejni) khan International Nurses Day chu Multipurpose Hall, College of Nursing-ah an hmang.

He hunah hian Pi RC Lalrengpuii, Principal, College of Nursing-in kumin Nurses Day thupui "Our Nurses. Our Future. Empowered Nurses save lives" tih thupui hmangin thu a sawi a, Pi Rengpuii chuan nurse-te chu hriselna kawnga inngahna bulpui ber an nih thu leh khawtlang hriselna humhalhna kawngah an pawimawhzia a tarlang a. Khawvel damlo enkawlina sum tam tak humhimtu an nih thu sawiin, nurse hna chu sumdawna mai a nih loh thu a sawi bawk.

Dr. Lalnunnemi, Medical Superintendent, Synod Hospital pawhin thu a sawi a, Dr. Lalnunnemi chuan Florence Nightingale nun aþanga zir tur tam tak a awm thu leh nurse hna chu rawngbawlina thianghlim a nih thu a sawi a. Nurse zirlai kalkhawmte chu rinawmna, taimakna leh lainatna nena an hnathawhnaa

Contd...

ding tlat turin a fuih a ni. He hunah hian zirlai ten hla leh item chi hrang hrang an entir bawk.

Nurses Day hi khawvela nurse hmasa leh entawn tlak ber Florence Nightingale pian champha (May 12) pualin kum tin khawvel pumah hman thin a ni.

❑ **Worship**

May 8, 2026 (Zirtawpni) zan khan Zai Hruai Training neihpuiin Ramhlun Sports Complex Kohhranah Pu Benjamin Sailo, Music Instructor a kal.

❑ **Trust**

May 11, 2026 (Thawhtanni) khan Khawlailung leh Serchhip Pastor Quarters sak thar tur en puiin Pu Lalhriatrenga, JE leh Tv. V. Lalhlipua, JE te an kal.

❑ **Campus Ministry**

♦ May 6-8, 2026 chhung khan Gospel Week hmanpuiin Lengte Secondary School-ah Director, Rev. Johny Lalremfela leh Resource Person te, Upa Lallianmawia, Rev. H. Lalbiakhluna leh Upa Lalnunsiana Khalthang te an kal a. Gospel Week-ah hian zirlaite mai bakah, Nu leh Pate leh Zirtirtute inkawm hona hun hman a ni.

♦ May 8, 2026 (Zirtawpni) khan Gospel Week hmangin Presbyterian English School, Republic Vengah Resource Person te, Pu C. John Saiparlana leh Tv. Lalrinmawia te an kal a. Zirlai naupangte hi Nursery - Class X an nih avangin Group hnihah thenin, a hranga zirtirna pek an ni.

❑ **MSSU**

May 16, 2026 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:

Tuithaphai Presbytery : Upa Lalthahluna Ralte leh Upa K. Zoremsanga

Lawngtlai Chanmari Bial : Upa Lalthanchunga leh Upa Isak Zartzoliana Chhangte

❑ **Social Front**

♦ May 17, 2026 (Pathianni) hian Youth For Christ, Ramthar North Kohhranah HIV leh Ruihhlo do chungchang Awareness Campaigner nei turin Pu Alan Lalmuanpuia, campaigner a kal ang.

♦ May 17, 2026 (Pathianni) hian Salem Veng Kohhranah HIV leh Ruihhlo do chungchang Awareness Campaig nei turin Upa Dr. J. Lalramchhuanga, campaigner a kal ang.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Sialsuk leh			
	Sialsuk Hmunchung	In chhia	9	₹ 1,22,000/-
2.	Bungtlang Bial	Harsatna tawk	8	₹ 86,000/-
3.	N. Chawnpui	Vanduaina tawk	3	₹ 37,000/-
4.	Persang	Damlo leh In chhia	2	₹ 30,000/-
5.	Chhipphir Kohhran lungrem chim siam that nan			₹ 30,000/-
6.	Chhipphir	In chhia	3	₹ 30,000/-
7.	Sakawrtuichhun North	Damlo leh khawsak harsa	2	₹ 20,000/-
8.	Serchhip Vengchung	In chhia	1	₹ 15,000/-
9.	Tuipuibari	In chung chhia	1	₹ 15,000/-
10.	Kaisanary	In chhia	1	₹ 15,000/-
11.	Hamsapara	Damlo	1	₹ 10,000/-
12.	Kolasib Project Veng	Damlo	1	₹ 10,000/-
13.	Vairengte Hmarveng	Damlo	1	₹ 10,000/-
14.	Ramhlun North	Damlo	1	₹ 10,000/-
15.	Selesih	In kang	1	₹ 8,000/-
Belh khawm				₹ 4,48,000/-

April 2026 thla chhunga harsatna hrang hrang tawkte hnena Synod Relief Fund atanga chhawmdawlna sem zat chu ₹ 19,46,000/- a ni.

❑ **Hruaina Eng TV Programme**

- 14.5.2026 (Ningani)** 08:30 pm : Thupui zir bing
15.5.2026 (Zirtawpni) 05:00 pm : Kristian Naupang Pual
16.5.2026 (Inrinni) 05:30 pm : Puitling Sunday School Zirlai
17.5.2026 (Pathianni) 07:00 am : Sermon - Upa Lalsangliana
19.5.2026 (Thawhlelni) 06:00 pm : Nilai zan thupui
 08:30 pm : Kohhran Chanchin - Zemabawk South Kohhran

❑ **FM Zoawi - Aizawl & Lunglei : Hruaina Eng Radio Programme**

May 15, 2026 (Zirtawpni) @ 7:30 p.m. :

- Fakhla Huang** : Isaac Lalthazuala
Thusawi : Upa Remchhunga - Muhil te tan thawh harh a hun
Solo : Lalrinawmi - Nunna i la nei e

❑ **Moderator leh Executive Secretary-te Programme :**

Rev. John Raldosanga, Moderator Programme:

- May 17, 2026 Hulhliap Short Stay kharna - Zarkawt Kohhran (Chawhnu)
 Bawngkawn Nepali Kohhran (Zan)
 May 24, 2026 Tlabung Zodin leh Tlabung Chawnpui Bial

Rev. V.L. Luaia Hranleh, Senior Executive Secretary Programme:

- May 17, 2026 Hulhliap Short Stay kharna - Zarkawt Kohhran (Chawhnu)
 May 18, 2026 PPF Board
 May 21-23, 2026 PCI Working Committee - Shillong

Rev. Dr. K. Lallawmzuala, Executive Secretary Programme:

- May 18, 2026 PPF Board
 May 21, 2026 CCM Working Committee
 May 22, 2026 Hmangaihna In Managing Committee

Rev. Dr. Rosiamliana Tochwawng, Executive Secretary Programme:

- May 18, 2026 Worship Cell
 May 20, 2026 MTC Governing Board
 May 23, 2026 Prison Ministry Programme

May 19, 2026-a OM leh ni 20, 2026-a Synod Service Board-ah Moderator leh Executive Secretary-te an thu ang.

B.SC (NURSING) ZIR DUH TAN

College of Nursing, Synod Hospital, Durtlang chuan kum 2026 session atangin B.Sc(Nursing) zirtur ala leh dawn a. HSSLC pass(10+2) Science (Physics, Chemistry, Biology) 45% aggregate hmu chin, Nupui/Pasal la nei lo, December, 2026-a kum 17 tling chin tan dil theih a ni a, vocational stream tan dil theih a ni lo.

Hriattur pawimawh:

Prospectus/Application Form hi College of Nursing, Synod Hospital, Durtlang leh Dr. Fraser's Clinic, Mission Vengah April 1 - June 20, 2026 inkarah Office hun chungin (9:00am - 4:00pm) Rs. 500/- in lei theih a ni a, College of Nursing, Synod Hospital-ah chauh thehluh theih a ni.

www.consh.edu.in hian online-in fill up leh thehluh a theih a, prospectus a download theih bawk.

Sd/-

Dr. R.L Sanghluna

Director

Synod Hospital, Durtlang

